

第 廿 六 卷

保大五年
西曆一千九百三十年

南

風

漢文
越文
主筆范瓊

印刷所河內東京印館

南風雜誌第十四年上半年目錄攷

保大五年西曆一千九百三十年

▲第百四十六期〔西正月〕

萬事起始

人道權衡

額外代答(續一)

(文苑) 夢洋詩集(續七)

歷朝憲章禮儀誌卷之二十一

一

五

九

十五

卅三

高伯迓陳情狀

人道權衡(續二)

萬事起始(續二)

歷朝憲章禮儀誌卷之二十一

●第百四十七期〔西二月〕

張數

十七

十八

廿四

卅七

●第百四十八期〔西三月〕

西山述略

(文苑) 阮輝瑾辭徵啓

歷朝憲章禮儀誌卷之二十二

張數

廿九

三八

四五

▲第百四十九期〔西四月〕

貧家義犬傳

羽虫角勝記

人道權衡(續二)

歷朝憲章禮儀誌卷之二十二

張數

四一

四四

四六

五三

★第百五十期〔西五月〕

安南人物傳

人道權衡(續二)

歷朝憲章禮儀誌卷之二十三

張數

五三

六一

六一

●第百五十一期〔西六月〕

野史

安南人物傳(續一)

歷朝憲章禮儀誌卷之二十三

張數

六七

七五

六七


 萬事起始

汽機之始。元辰海舶至粵東。葡萄牙人見兒童走馬燈戲具。遂悟火氣轉輪之理。明末辰法國人高斯首創汽機。因思推廣其法以裨國用。爰託某相居間獻之朝廷。某以無用置之。高屢乞不已。觸某怒。遂囚之。而其法卒傳於世。英國汽機之製。昉自吳斯德侯遭亂囚獄。偶見壺蓋頂起。由是悟得蒸汽之力。大可用也。出獄後。試以蒸氣將鐵管炸裂。遂以創機汽之法。一千六百九十八年英人塞法利偶飲酒。銅壺置火上。酒沸。遂以壺嘴浸水中。旋見冷水逆流入壺。因設以蒸氣汲水之法。厥後八年。有牛國民者。以蒸氣轉運火輪。較吳塞二人所作之法尤為便利。一千七百六十九年有瓦德者。童年戲嬉。以器煮水。勾股畫地。及長才敏過人。洞察牛氏汽機尙有弊病。凝思十六年。終能盡善盡美。遂製雙行氣機及記數輪。省煤無算。運行度數亦可稽核。至今所用火輪。皆瓦德之模式也。按泰西新史撮要。瓦德作花忒。譯音之異也。

鐵路火車之始。一千八百一十二年英人德微底創造火車之法。未能盡善。一千八百二十二年有士提反孫者。父子相繼造之。初其父於煤窰專司火輪汽機之事。貧甚。擬赴他國謀生。乏資中止。修鐘表以自給。旋見運煤以馬。工用浩繁。德氏火機又未美備。遂變通而更易之。一千八百二十七年修造鐵路。僉稱有能造鐵馬者。酬以千金。父子乃造成試之。一點鍾行九十里。人奇之。號為火箭。由是火輪車廣而鐵路亦多矣。其子總司其事。核計修道之費七千萬磅。嗣聞於朝。錫爵酬之。辭弗受。

輪船之始。乾隆末年。蘇格蘭有塞明頓者。造小輪船一具。於湖間載客往來。以為游戲。一千八百一十二年復造梢火者。於江中為拖帶他舟渡江之用。以其迎風逆水無礙也。惟機未盡美。旋廢之。其辰美國富拉頓者。於法國京城興造輪舟。國王拿破崙見而稱許。謂此舟一作。天下大勢為之丕變矣。旋以行未

萬事起始

甚速。廢置不用。而富氏恆心不易。借資返國。於紐約克又成輪舟一艘。一千八百七十年其功始竣。入水試之。多

延顯者共載以游。及水中舟忽停滯。客有謂其拙者。有憚其險者。富慰之曰。毋懼。亦毋病也。爰搜其

弊而理之。其行快捷。傍岸居民見而奇駭。羣逃避之。自是輪舟興起矣。按萬國史記富拉頓作福爾頓。美國邊西尼人也。嘉慶十年造蒸氣艦成。泛之巴得

遜河。各國爭仿其式。遂行於全世界。

機器紡紗之始。英國有阿克來者。素貧。業修髮匠。每以五行之物。研究其理為樂。因思創一自行

不止之器。探索數年。迄未成就。而本業就荒。益形貧乏。見鄰眾業織者甚繁。而紡工不足。益思仿造

機器以代人工。其妻見其試作機巧。終日若癡。屢戒弗聽。恚甚。毀諸器具。阿克來離妻而造。如故。迨

厥功告成。試之靈巧。不啻人工。一具汽機足抵百夫之力。由是通行而致小康焉。旋聞於君主。以其

創法甚善。且能裕國便民。錫爵銜勞之。按泰西新史。乾隆三十二年。英人哈爾該製一紡紗新機。英人亞寇懷克各從而增損之。法乃大備。

機器織布之始。英國教師克德來素有名望。家道亦豐。火輪紡既作。遂仿其式以代織。研思十餘

載。機器始成。試之靈敏異常。而家業已消乏矣。與富翁鳩工建廠。廣置汽機。為久遠計。工竣遽遭火

焚。遂致家資蕩然。無所倚賴。以硯田為生。然其所造機器。由此傳播。國家豐富。朝廷獎以三萬金。俾

養老焉。溯自立志之初。至此已二十四年。耗去家財不下十萬。克嘗謂火力無窮。人苟擴而充之。必

能運行舟車也。斯言今已驗矣。一千七百八十五年英國始用火輪器織布。一千八百七十年法國理查爾諾亞二氏創製棉

絲。阿伯束法爾的諾二氏織洋布。射的牙發明一器織絹絲。按泰西新史攬要。克德來創製織布機器。按泰西新史攬要。懷德尼作灰忒內。

機器軋棉花之始。英人懷德尼始創軋棉花之機器。按泰西新史攬要。懷德尼作灰忒內。乾隆五十八年創製軋花機器。

郵政之始。

一千六百五十六年

英國議院格朗空諭平民不許擅開信局。立大臣主之。以餘錢納官。遠近稱便。

始議公私通信。立倫敦大信局。

一千八百三十四年

法王以軍書被誤。知民寄信總不可憑。且信費靡定。重物不

能代寄。種種未便。乃設文報局。並代民間寄信。但不寄物件。後數年又專設寄物件之局。各國見所

行甚善。爭相效之。迨火船火車通行。始將寄送物件之局併入火車火船公司。由國家督辦。並嚴民

間送信之禁。無論官商兵民。凡文件信札。日報書籍。均歸國家公局代寄。是為郵政開創之始。

電學之始。

明萬曆

英人吉利巴始悟電氣分乾濕金石草木諸種。刷是意人夏刺法尼佛爾塔。英人但

氏葛氏斯美氏。法人理氏碑丹氏安氏。布人來茲角氏。德人索馬陵。荷人底喜爾。美人富南林賢禮

氏。莫爾斯。遞相推闡。電學大著。

電報之始。

一千七百九十五年

英國始設電報。

一千八百五十八年

始架電線於大西洋。

夏色利創設電報。

附考

電報創於丹。成於美。繼乃徧行於泰西。電報取用之氣。分乾濕二種。乾電始

自希臘人。有精於格致者。嘗攷琥珀磨熱可吸燈草。知電氣潛伏萬物中。可以取用。此電學之祖也。

然尚未知其所以然之理。至明朝辰英國太醫院考察物理。知琉磺玻璃及蠟亦能有呼吸之力。迨

國朝雍正七年。有英國察知行電禁電之法。又法國察知陰電陽電之法。濕電始自意大利人夏刺

法尼偶以刀刃之屬。置死蛙上。蛙即跳躍。乃悟二金相感。遇濕亦能生電也。

一千七百八十一年

意人遂用兩種

金銅倭鉛之類。以銅絲密縛即能生電。

一千八百二十年

丹國人查攷以銅綫過羅盤針。則針隨電走之理。

一千八百二十三年

法人又察知以電過鐵變為吸鐵石。

英人攷知吸鐵石又能生電。而電學益精。意大

一千八百三十七年

利人又察知生電之法。但用吸鐵石機輪一轉。電氣自生不可勝用。

緣電綫過羅盤針及變吸鐵石之法。格物家遂揣摩而生造電報之法焉。法國阿拉格。安貝爾二人。

復究磁鉄增電倍力之理。而電報遂徧行於天下。咸豐八年始設海底水綫通信

電話之始。一千八百七十六年美國人創設電話其始止能傳數十里。今則愈推愈遠矣。

電燈之始。一千六百百年間德國人製一機器運動之不但能呼吸電氣。又能發出電光。一千八百五十四年創造電燈光明

倍常。美國人察知琥珀玻璃蠟等所生之電光。非尋常之火。寔與天上之電光為一類。如以電火

炤於農田。則如日照之煖。禾稼易生。蓋電光之明。寔電火之烈也。

煤氣燃燈之始。一千七百二十七年英王若爾治第二即位後。始用煤氣燃燈。

光學之始。一千七百二十七年英王若爾治第二即位後。國人紐敦始為光學。

光報之始。自有電報以來。傳信極捷。然深山大澤人迹難通。未能徧設。復創為光報。以補電報之

所不及。光報之法。能傳信於九百里外。其法射影者。背日懸一圓鏡。測日而聚其光。每三百里設一

方鏡。反射之。收影者。設三角鏡。向日取影。以得所射書焉。報書則如射者法。英國嘗伐蘇魯被圍。用

光報以請援兵。但此法尙未廣行耳。

保險之始。一千六百六十六年英國始設保險之法。

火炮之始。一千三百四十六年英國與法人戰於格烈西。敗法軍三萬。是役始用火炮。一千六百二十六年英王查爾斯始

鑄銅礮。

化學之始。一千七百七十年英人歐令化鹽水為淡水。獎銀二萬以勵之。一千七百七十年法人以化學造珍珠。

鍊養氣之始。栢氏創出之。後人由是集思廣益。遂究得萬化變化不測之理。〔未完〕

▲ 人道權衡

子聞先生。矚中碩儒也。舉於鄉。隱居授徒。潛心至道。蓋二十餘年於此矣。以平生研究著「人道權衡」一書。中多名言。爲前賢之所未道。所謂有德者必有言也。近接得原稿。輒此登錄。以公諸世。想於世道。人道補益。非淺鮮也。

記者謹誌

● 人道權衡自序

今日之日。人類相見之日也。東西學術政俗。雜然並陳。其奇能良法。有益於人道者甚多。而偏辭殊尙。有害於人道者亦復不少。生於今之世界。往往茫然不知其所從。絃生平夙遵孔子。多聞闕疑。多見闕殆之教。年及知命。而於言論行爲。皆不敢少有武斷。積數十餘年之研究。力不能勝。屢發狂病。於發狂之中。忽然覺悟。若有默啓其衷者。輒述所聞。而爲此書。書既成。并譯爲國文。謀將公布之。以問世之君子。庶幾書中恰好之處。得諸君子贊成之。書中謬誤之處。得諸君子矯正之。俾於人道。無小補焉。則絃之厚望也。

越南保大三年十月十一日書

▲ 上篇 論人道之凡例

第一節 人道界限至人而止

何謂人道。人之公道也。小而言之。則爲個人。大而言之。則爲同類。短而言之。則爲終身。長而言之。則爲累世。凡圓顛方趾之流。皆可由之。而非一般少數人之所得而私也。何謂人道。人之私道也。太低之物道。固非人道之全。太高之天道。亦非人道可及。雖道之大原出於天。此七字董仲舒語人道亦爲天道中之一部分。然天道一誠自然。而人道則有思有爲也。天道無不包含。而人道限於其類也。蓋對內而

言則爲公。對外而言則爲私。如以一國言則國爲公。而鄉邑爲私。若以人類言則人類爲公。而國又爲私。公私二義。徙步換形。人多不察。每聞私字。則厭薄之。不知界限分明。雖私無害。一個人之自修。一地方之自治。與夫父慈子孝。夫義婦從。莫非私也。不惟無害。而積私始可成公。然積私成公。乃對於同類而後然。若天人之與物。其大小高下不類。人道者人之私也。物道者物之私也。哲學家不能合諸不同類之私。而成爲公。亦猶算學家不能合不同類之數。爲一總數。如牛二頭。帛二尺。米二粒。必不能合之爲六也。雖人道亦有對天對物二部分。然謂爲人類對天對物之道。則可謂爲天人與物公共之道。則不可。如烹宰物類以爲食。役使物類以代勞。皆非物所得施於人者。故人道界限至人而止。人道之界限既明。然後人道之起源。可進而論矣。

第二節 人道起源本於人性

人道之起源。何所本乎。本於人性。古人言性。多謂爲天命天賦。今天演學家謂人性由進化而成。進化之說。比之天賦之說。較爲寔驗。然亦不至背馳。蓋天必賦之以能進之元素。與之以促進之外緣。然後可演而進焉。固不能不推本於天也。至言人道。而推本於天。則已隔一層。蓋使人性而僅如禽獸之性焉。無論純全之人道。不能寔現。即今世界所行未純未全之人道。亦不能寔現焉。故研究人道。而不以人性爲根據。徒以他科哲理爲人道之根據焉。則其所研究。必與人道不甚相關。例如猶太回回諸教。專重靈魂。是乃神其鬼道。而非人道。佛說衆生一切平等。天演家說生存競爭優勝劣敗。是皆人物公共之道。乃天道而非人道也。者。原理與方法混合之名。人道也者。本於人性。施於人事。內則合於性之理。外則合於事之理者也。合於性是原理的。合於事是方法的。

第三節 物性理性為性之二元素

人道本於人性。然則人性者。屬於生理。生理有二。一為生長之理。一為生育之理。勿誤認為生計。抑屬於心理乎。生理心理二者缺一。不成為人。即二者缺一。不成為性。蓋生理為蘊藏心理之具。而心理之作用。又由生理而發生。例如嗜

菓而培樹。甘肉而畜羊。凡百藝業。乃以發生。又如有男女牝合之機關。而後有夫婦之愛。有夫婦之

愛。而父子兄弟。家族倫理。乃以發生。此藝業與彼藝業連絡。此家族與彼家族連絡。有此兩連絡線

而鄉國天下。一切社會倫理。乃以發生。生理心理如影之與形。雖分爲二科。其寔可分而不可離也。

然生理心理。乃學界分科之名詞。若言性而欲確當分之。不若名之為物性。理性之明著也。物性理

性。為性之二元素。不獨人為然。凡動植礦罔不然矣。其著者。如犬馬之有義。鴻鴈之有序。鳩鴿之有

夫婦。蜂蟻之有君臣。其他亦皆知愛種樂羣。就安避害。則動物未嘗無理性也。人多謂物之性惡。或

謂太古初民之性惡。此天演家赫胥黎諸人之說。甚者謂人之性惡。此荀卿之說。其進者則謂物道以競爭為原則。人道以互

助為原則。此孫中山之說。其寔不然。物之一字。乃籠統萬類之名詞。不惟物字。即禽字獸字魚字等。亦皆籠統

諸鳥類諸獸類諸魚類。而并為一名。若分別每一類而觀察之。則虎不食虎。鷹不食鷹。且豺狼之各

合其羣。以獵他獸。亦人所常見。食肉之類。其生計之艱難。比之人類。當有過之而無不及。而不害其

同類。尚如此。其他食虫食草。牛計較易者。更無論矣。間有鳥羣相啄。獸羣相搏。特不過其偶。而非其

常。其少數而非其多數。亦猶人道未純而不能無爭戰已耳。然則生存競爭。弱肉強食者。乃對於異

類而後然。若對於同類。則人與動物。固皆以互助為原則也。豈物之性惡。而以競爭為原則哉。惟以

物視人。則人之性。其範圍廣。而程度高。為不同耳。若夫植物。則如葵花之知向日。籐類之能就籬。土

膏一也。而所食之料。每種各殊。雨露同也。而所吸之量。隨類而異。至於礦物。固號為無生矣。然磁石

吸鐵。而人不能使之吸銅。水與酒融。而人不能使之與油混。是植物礦物。亦皆有別擇取舍之理性。而後農學醫學化學。始得而用之。雖其性極為簡單。理與物幾不能以分別。然磁之能吸物性也。知其為鐵而吸之。理性也。凡知皆屬理性。凡能皆屬物性。理物之辨。固未嘗無。亦猶人類母子之愛。不得不認之為理性也。孔子曰。天地之性人為貴。蓋天地之性。物亦有之。但不得如人之貴耳。宇宙間凡微而質點。大而日球地球。一切有生無生。未嘗有無物性之理。亦未嘗有無理性之物。詩云。『有物有則。』子思子云。『天命之謂性。率性之謂道。修道之謂教。』性字兼人物言。蓋能率草木與土膏之性。而後得農之道。能率藥味與腑臟之性。而後得醫之道。固不獨率人之性已也。且物性粗而簡者。理性亦粗而簡。理性精而繁者。物性亦精而繁。人但知吾人理性。靈於萬物。而不知吾人物性之精而繁。如耳目之聰明。手口之巧慧。要非萬物之所同具。即以飲食一節言之。物之食蟲者不食草。食草者不食肉。而人則肉卵菓蔬。辛酸鹹苦。皆羅而致之。七箸之間。則味別一性。已非萬物之可及。而他又無論矣。理性物性。為性之二元素。故但以理性為人道之根據。而置物性於不問焉。則言之雖似有理。而不可寔行。即有少數強而行之。亦適為人道之害。例如佛教之不殺生。諸尊教之不娶妻。及歐美俗之禁置妾。其所以有此謬誤者。蓋由擱去物性。則不能格物以致其知。故也。置妾理由見下篇

性有二元素。故發而為情。亦有二元素焉。理性之發為理感。感之深者為理欲。物性之發為物感。感之深者為物欲。書云。『人心惟危。道心惟微。』樂記云。『人生而靜。天之性也。感於物而動。性之欲也。』張橫渠云。『心統性情。』感於物而動。情也。感於理而動。亦莫非情也。人心即所謂物性物欲。道心即所謂理性理欲也。

〔未完〕

嶺外代答〔續二〕

宋周去非著

●占城國

占城漢林邑也。境上有馬援銅柱。在唐曰環王。王所居曰占城。以名其國。地產名香。牢象。土皆白砂。可耕之地絕少。無羊豕蔬茹。人採香爲生。國無市肆。地廣人少。多買奴婢船舶。以人爲貨。北抵交趾。南抵真臘。臣事交趾。而日與真臘爲仇。乾道癸巳。閩人有以西班牙到選。得官吉陽軍都監者。泛海之官廳。主占城。見其國與真臘乘象以戰。無大勝負。乃說王以騎戰之利。教之弓弩騎射。占城王大悅。具舟送至吉陽。厚齎隨以買馬。得數十匹。以戰則克。次年復來。人徒甚盛。吉陽軍因却以無馬。乃轉之瓊管。瓊管不受。遂怒而歸。後不復至也。異時諸國船舶。類爲其所虜。蓋其俗本好剽掠。其屬有賓。曠。隴。國。賓。陁。陵。國。目。連。舍。基。在。賓。陁。陵。或云卽王舍城。建隆二年。曾貢方物。三年八月。又來貢。哲宗元祐元年十二月。又進貢。有詔賜錢二千六百緡。其慕化抑可嘉也。

●真臘國

真臘國遠於占城。而近於諸蕃。其旁有窳裏國。西棚國。三泊國。麻蘭國。登流眉國。第辣撻國。真臘爲之都會。北抵占城。最產名香。登流眉所產爲絕奇。諸蕃國香所以不及也。其國僧道。咒法靈甚。僧之黃衣者。有室家。紅衣者。寺居。戒律精嚴。道士以木葉爲衣。國中望天一隅。常有少痕。其人云。昔女媧所不至也。本朝徽宗宣和二年。曾遣使入貢。

★欽州博易場

凡交趾生生之具。悉仰於欽。舟楫往來不絕也。博易場在城外江東驛。其以魚蚌來易斗米尺布者。

額外代答

十

謂之交趾蛋。其國富商來博易者。必自其邊永安州移牒于欽。謂之小綱。其國遣使來欽。因以博易。謂之大綱。所齎乃金銀銅錢。沉香光香熟香生香真珠象齒犀角。吾之小商近販紙筆米布之屬。日與交人少少博易。亦無足言。唯富商自蜀販錦至欽。自欽易香至蜀。歲一往返。每博易動數千緡。各以其貨互減。踰時而價始定。既減之後。不得與他商議。其始議價。天地之不相侔。吾之富商又日遣其徒爲小商。以自給。而築室反耕以老之。彼之富商頑然不動。亦以持久困我。二商相遇。相與爲杯酒飲。久而降心相從。僧者以左右漸加抑揚。其價相去不遠。然後兩平焉。官爲之科香交錦。以成其事。既博易官止。收吾商之征。其征之也。約貨爲錢。多爲虛數。謂之綱錢。每綱錢一千爲實錢四百。卽以實錢一緡。征三十焉。交人本淳樸。吾人詐之於衡權低昂之間。其後至三。遣使較定博易場科。邇年永安州人狡焉特甚。吾商之詐彼也。率以生藥之僞。彼則以金銀雜以銅。至不可辨。香則漬以鹽。使之能沉水。或鑄鉛于香竅。以沉之。商人率墮其術中矣。

● 蠻笠

西南蠻笠以竹爲身。而冒以魚氈。其頂尖圓高起一尺餘。而四圍頗下垂。視他萎笠其製似不佳。然最宜乘馬。蓋頂高則定而不傾。四垂則風不能颺。他萎笠所不及也。交趾有笠如兜鍪。而頂偏似田螺之髻。謂之螺笠。以細竹縷織成。雖曰工巧。特賤夫之所戴耳。

● 皮履

交趾人足躡皮履。正似今羅漢所躡者。以皮爲底。而中施一小柱長寸許。上有骨朶。頭以足將指夾之而行。或以紅皮如十字倒置其三頭於皮底之上。以穿之而行。皆燕居之所履也。地近西方。則其服飾已似之矣。

●安南絹

安南使者至。欽太守用妓樂燕之。亦有贈於諸妓人。以絹一匹。絹麤如細網。而蒙之以綿。交人所自著。衣裳皆密絹也。不知安南如網之絹何所用也。余國蠻人得中國紅純子。皆拆取色絲。而自以織衫。此絹正宜拆取其絲耳。

▲食檳榔

自福建下四川。與廣東西路。皆食檳榔者。客至不設茶。唯以檳榔爲禮。其法斫而瓜分之。水調蜆灰一銖許於萋葉上。裹檳榔咀嚼。先吐赤水一口。而後噉其餘汁。少焉而臉潮紅。故詩人有醉檳榔之句。無蜆灰處。只用石灰。無萋葉處。只用萋根。廣州又加丁香。桂花三賴子。諸香藥。謂之香藥檳榔。唯廣州爲甚。不以貧富長幼男女。自朝至暮。寧不食飯。唯食檳榔。富者以銀爲盤置之。貧者以錫爲之。盡則就盤更噉。夜則置盤枕旁。覺卽噉之。中下細民。一日費檳榔錢百餘。有嘲廣人曰。路上行人口似羊。蓋以萋葉雜咀。終日噉飼也。曲盡噉檳榔之狀矣。每逢人則黑齒朱唇。數人聚會。則朱殷徧地。實可厭惡。客次士夫。常以奩自隨。製如銀錠。中分爲三一。以盛萋。一盛蜆灰。一則檳榔。交趾使者亦食之。詢之於人。何爲酷嗜如此。答曰。辟瘴下氣消食。食久頃刻不可無之。無則口舌無味。氣乃穢濁。嘗與一醫論其故曰。檳榔能降氣。亦能耗氣。肺爲氣府。居膈上爲華蓋。以掩腹中之穢。久食檳榔。則肺縮不能掩。故穢氣升於輔頰之間。常欲噉檳榔以降氣。實無益於瘴。彼病瘴紛然。非不食檳榔也。

●銅鼓

廣西土中銅鼓。耕者屢得之。其製正圓而平其面。曲其腰。狀若烘籃。又類宣座。面有五蟾。分據其上。

海外代答

蟾皆累蹲。一大一小相負也。周圍款識其圓紋為古錢。其方紋如織篋。或為人形。或為琰璧。或尖如浮屠。如玉林。或斜如豕牙如鹿耳。各以其環成章。合其衆紋大類細畫圓陣之形。工巧微密。可以玩好。銅鼓大者濶七尺。小者三尺。所在神祠佛寺皆有之。州縣用以為更點。交趾嘗私買以歸。復埋於山。未知其何義也。按廣州記云。俚獠鑄銅為鼓。唯以高大為貴。而濶丈餘。不知所鑄。果在何時。按馬援征交趾得賂越銅鼓鑄為馬。或謂銅鼓鑄在。西京以前。此雖非三代彝器。謂鑄當三代時可也。亦有極小銅鼓。方二尺許者。極可愛玩。類為士夫搜求無遺矣。

▲生金

廣西所在產生金融。宜昭藤江濱與夫山谷皆有之。邕州溪峒及安南境皆有金坑。其所產多於諸郡。邕管永安州與交趾一水之隔。爾鵝鴨之屬。至交趾水濱遊食而歸者。遺糞類得金。在吾境水濱則無矣。凡金不自礦出。自然融結於沙土之中。小者如麥麩。大者如豆。更大如指面。皆謂之生金。昔江南遺趙韓王瓜子金。即此物也。亦有大如鷄子者。謂之金母。得是者富固可知。交趾金坑之利。遂買吾民為奴。今峒官之家。以大斛盛金。鎮宅博賽之戲。一擲以金一杓為注。其豪侈如此。則其以金交結內外。何所不可為矣。古人欲使黃金與土同價者。知本之言也。

★銅

史稱賂越多。銅銀交州記曰。越人鑄銅為舶。廣州記曰。俚獠鑄銅鼓。聞交趾及占城等國王所居。以銅為瓦。信知南方多銅矣。今邕州有銅固無幾。而右江溪峒之外。有一蠻峒。銅所自出也。掘地數尺。即有礦。故蠻人多用銅器。嘗有獻說於朝。欲與博易。事下。本路諸司謂且生邊釁。奏罷之。

●思櫚木

思櫚木生兩江州峒。堅入清水中百年不腐。峒人及交趾以爲弓弩標槍之材。爲天下最。

●檳榔

檳榔生海南黎峒。亦產交趾。木如椶櫚。結子。葉閒如椰條。顆顆叢綴。其上春取之爲軟檳榔。可口。夏秋採而乾之。爲米檳榔。漬之以鹽。爲鹽檳榔。小而尖者爲鷄心檳榔。大而匾者爲大腹子。悉下氣藥也。海南販之。瓊管收其征。歲計居什之五。廣州稅務收檳榔稅。歲數萬緡。推是則諸處所收與人之所取不可勝計矣。

▲象

交趾山中有石室。唯一路可入。周圍皆石壁。交人先置芻豆于中。驅一雌馴象入焉。乃布甘蔗于道。以誘野象。象來食蔗。則縱馴雌入。野象羣誘之以歸。既入。因以巨石窒其門。野象饑甚。人乃緣石壁。飼馴雌。野象見雌得飼。始雖畏之。終亦狎而求之。益狎。人乃鞭之以箠。少馴。則乘而制之。凡制象。必以鉤。交人之馴象也。正跨其頸。手執鐵鉤。以鉤其頭。欲象左。鉤頭右。欲右。鉤左。欲却。鉤額。欲前。不鉤。欲象跪伏。以鉤正。按其腦。復重按之。痛而號鳴。人見其號也。遂以爲象能聲。諾焉。人見其羣立而行。列齊也。不知其有鉤以前。却左右之也。蓋象之爲獸也。形雖大而不勝痛。故人得以數寸之鉤。馴之。久久亦解人意。見乘象者。來低頭跪膝。人登其頸。則奮而起行。象頭不可俯。頸不可回。口隱於頤。去地猶遠。其欲飲食運動。一以鼻爲用。鼻端深大。可以開閉。其中又有小肉夾。雖芥子亦可拾也。每以鼻取食。卽就爪甲。擊去泥垢。而後捲以入口。其飲水亦以鼻吸。而捲納諸口。村落小民。新荔熟。野象逐香而來。以鼻破壁而入。飲人之大患也。象足如柱。無指而有爪甲。登高山下峻阪。渡深水。其形臃

腫而乃捷甚。交人呼而驅之。似能與之言者。貢象之役。一象不甚馴。未幾病死。呻吟數日。將死回首指南而斃。其能正邱首如此。是亦非凡獸也。欽州境內亦有之。象行必有熟路。人於路傍木上施機刃。下屬於地。象行觸機。機刃下擊其身。苟中其要害必死。將死以牙觸石折之。知牙之爲身災也。苟非要害則負刃而行。肉潰刃脫乃已。非其要害而傷其鼻者亦死。蓋其日用無非鼻。傷之則療不可。合能致死也。亦有設陷穿殺之者。去熟路丈餘。側斜攻土以爲窞。狹路如舊而象行不疑。乃墮窞中。世傳象能先知地之虛實非也。第所經行必無虛土耳。象目細畏火。象羣所在最害禾稼。人倉卒不能制。以長竹繫火逐之乃退。象能害人羣象雖多不足畏。惟可畏者獨象也。不容於羣。故獨行無畏。遇人必肆其毒。以鼻捲人擲殺。則以足蹙人血透肌。而以鼻吸飲人血。人殺一象。衆飽其肉。唯象肉最美。爛而納諸糟。邱片腐之。食物之一雋也。象皮可以爲甲。堅甚。人或條截其皮。硬直而乾之。治以爲杖。至堅美云。

▲銅柱

漢馬伏波平交趾。立銅柱爲漢極西界。唐馬總爲安南都護。夷獠爲建二銅柱於伏波之處。以明總爲伏波之嗣。是銅柱在安南矣。又唐何履先定南詔。復立馬援銅柱。按南詔今大理國。則是銅柱復當在大理。又占不勞之地。南有大浦有五銅柱山。形若倚蓋。西重巖。東崖海。按占不勞今占城也。然則銅柱又當在占城。聞欽境古森峒與安南抵界。有馬援銅柱。安南人每過其下。人以一石培之。遂成丘陵。其說曰伏波有誓云。銅柱折。交趾滅。培之懼其出也。又云交趾境內有數銅柱。未知孰是。

●交趾

記曰南方曰蠻。雕題交趾。有不火食者矣。交州記曰。交趾之人出南定縣。足骨無節。身有毛。臥者更

扶始得起。余至欽見夫黑齒跣足。阜其衣裳者人耳。烏覩所謂足無節身有毛者哉。人言道州侏儒。今道州人七尺。而昭州茶城縣與道接。眇間產一二侏儒。竊意南定縣如茶城也。不然豈其人足無節而能更相扶耶。間受戾氣遂以得名。意當如此。

▲飛駝

交陞俗上巳日男女聚會各爲行列。以五色結爲球。歌而拋之。謂之飛駝。男女目成則女受駝而男婚已定。

★抵鷓

自安南及占城真臘。皆有肩輿。以布爲之。制如布囊。以一長竿舉之。上施長篷。以木葉鱗次飾之。如中州轎頂也。二人舉一長竿。又二人策行。安南名曰抵鷓。安南使者黃榮以一抵鷓載一妾自隨。凡使者至欽。皆有涼轎釘鉸黑漆甚澤。兩竿盡短。兩時皆用之。此蓋效中國爲之也。若其本國只用抵鷓爾。

▲文苑

●夢洋詩集

(續七) 何芳澤遺草

★謝威鳳船

萬里。驚騰。借日月。隔年。栖宿。共烟濤。解教異域。知光彩。還向朝陽。晒羽毛。茶澳波平。雲色。霽海。臺夜。靜月輪。高謝君。重上青雲路。桐竹依依。認故巢。

▲對陳協守飲
舊醅君有酒來信。我爲人覲面兼悲喜。傾杯略主賓。草花迎共笑。童僕愛俱新。曾記相思夢。孤舟昨夜頻。

●過海雲關

得召由驛來京

海雲豈料此重臨。絕嶺悠然感古今。紅日斜懸孤樹近。白雲橫斷半峯深。隔年星斗空回首。萬

里風濤只問心。聞命匆匆馳驛路。涓埃曷報自
沉吟。

(文苑) 夢洋詩集

○抵京

蓮發玉壺新。香飄十里旬。已依雙鳳闕。猶怯六
街塵。花草看饒笑。江山認漸真。行年三十五。渾
似始生人。

▲京寓

猶喜微軀在。還多舊識來。燈花明淡况。蕉葉蔭
閒階。座滿多新語。樽空飲舊醅。莫愁官舍掩。還
有好風開。

●得起復檢討仍充閣之命

乍瞻金鳳闕。俟奉紫泥書。邃閣驚重入。雲程又
一初。夙根應有托。丹悃別無餘。忽覺循牆夢。蓮
花正襲裾。

★晚興 五平五仄體

退食左掖晚。夷猶城之東。顧影佇見月。披襟徐
來風。草潤帶宿雨。雲明凝奇峯。隱几擺俗慮。涼
生芭蕉叢。

○喜雨

凍雨驅殘暑。涼宵到曙光。禾苗應茁秀。魚鳥各
徜徉。天入清涼夜。人歸長養鄉。長卿肝腑熱。乍
接露盤漿。

▲初秋廟饗隨駕恭記

香烟隨輦路。爽氣接樓臺。清廟衣冠肅。蕭韶律
呂諧。樹含新雨潤。山入半秋佳。聞見初疑夢。紅
輪灼灼開。

○閣松 松欲枯再生

雨露含新潤。孤松尚有根。暫違仍不改。相對欲
無言。爽入素秋籟。涼回清鎖門。龍鱗簾外繞。撫
弄倚朝暾。

●臨鏡

瘦於甘露巡。邊日癡甚詞。垣釋褐。初照眼。玉屏
相向立。冰心一片竟何如。